

ՈՐՈՇՈՒՄ

Ճանապարհային ոստիկանության վարչական իրավախախտումների գործերով 30.06.2021թ. կայացված ԱՖ724269 և ԱՖ724270 որոշումներն անփոփոխ, իսկ վարչական բողոքներն առանց բավարարման թողնելու մասին

<<15 >> 07 2021թ. 7-13 10985

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանսս վերանայելով քաղաքացի Հրաչյա Եղիազարյանի ՄԴ/53544-21 և ՄԴ/53543-21 դիմումների քննարկման արդյունքում ստեղծված նյութերը՝

ՊԱՐԶԵՑԻ

Քաղաքացի Հրաչյա Եղիազարյանը /ծանուցման հասցե՝ ք. Գավառ, Միքայելյան փողոց, 4-րդ նրբանցք, 3 տուն/ դիմումներով խնդրել է անվավեր ճանաչել Ճանապարհային ոստիկանության վարչական իրավախախտման գործերով կայացված ԱՖ724269 և ԱՖ724270 որոշումները՝ նշելով իր անհամաձայնությունը:

Վերջինս հեռախոսակապի միջոցով պնդել է դիմումներում նշած հանգամանքները և պահանջել գրավոր պատասխան:

Դիմումների քննարկման արդյունքում պարզվել է, որ Ճանապարհային ոստիկանության վարչական իրավախախտումների գործերով կայացված ԱՖ724269 և ԱՖ724270 որոշումները ենթակա են կատարման հետևյալ պատճառաբանությամբ:

<<Ճանապարհային երթևեկության անվտանգության ապահովման մասին>> ՀՀ օրենքի 24-րդ հոդվածի 5-րդ մասի <<բ>> կետի համաձայն՝ մեխանիկական տրանսպորտային միջոցի վարորդը պարտավոր է կառուցվածքով նախատեսված անվտանգության գոտիներով կահավորված տրանսպորտային միջոցներով երթևեկելիս լինել ամրակապված և չփոխադրել անվտանգության գոտիներով չամրակապված ուղևորներ:

Վարչական իրավախախտումների վերաբերյալ ՀՀ օրենսգրքի 123.3-րդ հոդվածի համաձայն՝ տրանսպորտային միջոցների անվտանգության գոտիները չամրակապած կամ սաղավարտը չկոճկած վիճակում կամ առանց սաղավարտի տրանսպորտային միջոցները վարելը, ինչպես նաև անվտանգության գոտիները չամրակապած կամ սաղավարտը չկոճկած կամ առանց սաղավարտի ուղևոր փոխադրելը առաջացնում են տուգանքի նշանակում՝ սահմանված նվազագույն աշխատավարձի տասնապատիկի չափով:

Ուսումնասիրությամբ պարզվել է, որ 30.06.2021թ. ժամը 09:56-ի սահմաններում, Երևան քաղաքի, Ֆրանսիայի հրապարակում դիմումատուի վարած <<HYUNDAI>> մակնիշի 36 FR 895 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 1-ին սպայական գումարտակի, 8-րդ սպայական դասակի տեսուչներ Ա.Օհանյանի և

Ա.<նվհաննիսյանի կողմից՝ «Ճանապարհային երթևեկության անվտանգության ապահովման մասին»> օրենքի 24-րդ հոդվածի 5-րդ մասի «Բ» կետի պահանջը խախտելու համար այն է՝ վարորդն ավտոմոբիլը վարել անվտանգության գոտիով չամրակապված վիճակում և փոխադրել է անվտանգության գոտիով չամրակապված ուղևոր ու կայացվել են ԱՖ724269 և ԱՖ724270 որոշումները՝ վերջինիս Վարչական իրավախախտումների վերաբերյալ «Օրենսգրքի 123.3-րդ հոդվածով՝ վարչական պատասխանատվության ենթարկելու մասին:

Վարչական իրավախախտումների վերաբերյալ «Օրենսգրքի 35-րդ հոդվածի համաձայն՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Նույն օրենսգրքի 299-րդ հոդվածի համաձայն՝ նույն անձի նկատմամբ վարչական տույժեր նշանակելու մասին մի քանի որոշումներ կայացվելու դեպքում յուրաքանչյուր որոշում ի կատար է ածվում առանձին-առանձին:

«Ճանապարհային երթևեկության անվտանգության ապահովման մասին» օրենքի 17-րդ հոդվածի 1-ին մասի «ա» կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Ճանապարհային ոստիկանության ծառայողների կողմից տրված պարզաբանումների համաձայն՝ վարորդի կողմից կատարված իրավախախտումը հիմնավորող տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումներն եղել են անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել են համապատասխան արձանագրություններ և կայացվել են ԱՖ724269 և ԱՖ724270 որոշումները: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցությունից բացի այլ խոսակցություններ չեն եղել:

Այսպիսով Հրաչյա Եղիազարյանի արարքներում առկա են Վարչական իրավախախտումների վերաբերյալ «Օրենսգրքի 123.3-րդ հոդվածի հատկանիշները, իսկ ԱՖ724269 և ԱՖ724270 որոշումներն օրինական են և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ «Օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտումների գործերով 30.06.2021թ. կայացված ԱՖ724269 և ԱՖ724270 որոշումները թողնել անփոփոխ, իսկ վարչական բողոքներն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Հրաչյա Եղիազարյանին և Ճանապարհային ոստիկանության ՃՊԾ 1-ին սպայական գումարտակ:



[Handwritten signature]
Ե.Կարապետյան

Կատ.՝ Գ.Մխիթյան
Հեռ.011-54-47-83